

## Infrastructuras

- Il provedimaint e l'allontanamaint d'essan gnir mantgnieus ed amplifichos in möd radschunaivel.
- Scha soluziuns regiunelas peran dad esser praticas e favuraivlas, schi sun quellas da preferir a las egnas soluziuns.
- In generel d'essan las singulas ouvras gnir finanziedas da möd cha'ls cuosts sajan cuvernos e tenor il princip dal chaschuneder. Reducziun resp. aboliziun da prestaziuns gratuitas d'essan succeder considerand ils effets sociels.
- Lavur publica cun böts clers sün tuot ils levels.
- Vias: La vschinauncha resguarda ils interess da tuot ils participants al trafic e pissera per ün access adequat pel trafic sün tuot il territori cumünel. La vasta rait da vias es da mantgnair in möd adatto. In zonas da fabrica novas dess l'avertüra fundamentela gnir prefinanzieda i'l ram da las pussibiliteds finanziaelas.
- Plazzas da parker: Ad es da metter a dispuziun üna spüerta chi correspuonda als bsögns. Ün sfrüttamaint moderato da las plazzas da parker stu gnir examinato.
- Ova: Garantia dal provedimaint e da la qualited d'ova. Las egnas funtaunas d'essan gnir protettas e'l provedimaint d'ova as dess baser inavaunt sün quellas. Per l'ulteriur bsögn d'ova fras-cha d'essan funtaunas existentas gnir inchaschedas meglider, inchaschamaints supplementers haun da gnir sclarieus. La qualited d'ova dess constantamaing gnir survegliada e sgüreda cun imsüras adequatas.
- Las cundiziuns dal squitsch da l'ova aint illa rait da condots sun differentas. Ellas d'essan gnir amegldredas cun imsüras da regulaziun definidas.
- Ova persa: Per schliker la sarinera es que, taunt scu pussibel, da lascher sfundrer l'ova da surfatscha na inascreda. Ils resultats dal PGO (plaun generel d'allontanamaint d'ova/GEP) – chi stu auncha gnir fat – stögljan gnir realisos.
- Allontanamaint d'immundizchas: Las immundizchas d'essan gnir alluntanadas tenor il motto "eviter immundizchas, redür immundizchas, recicler". La cumpostaziun d'essan gnir promovida.
- Energia: Ütiliser energia in möd economic ed ecologic. Promouver energias alternativas illa procedura da permiss.
- L'utilisaziun da la forza idraulica d'essan eir in avegnir gnir sustgnida e praticada i'l ram üsito.